

## UNIVERZITET U BIHAĆU

telefon/faks: 387 (0) 37 222-022  
adresa: Pape Ivana Pavla II 2/II  
77000 Bihać  
e-mail: kabinetrektora@unbi.ba



## UNIVERSITY OF BIHAĆ

phone/fax: 387 (0) 37 222-022  
address: Pape Ivana Pavla II 2/II  
77000 Bihać  
e-mail: kabinetrektora@unbi.ba

Na osnovu člana 98. Zakona o visokom obrazovanju – Prečišćeni tekst (“Službene glasnik USK“, broj: 24/17 i 24/21) i člana 22. Zakona o Univerzitetu u Bihaću - Prečišćeni tekst (“Službene glasnik USK“, broj: 24/17) i člana 61. Statuta Univerziteta u Bihaću), a na prijedlog Rektora Univerziteta u Bihaću, Senat Univerziteta u Bihaću na svojoj LXXXI (osamdesetprvoj) redovnoj sjednici održanoj dana 14.9.2023 godine, donosi

### PRAVILNIK O NAGRADAMA ZA STUDENTE UNIVERZITETA U BIHAĆU

#### POGLAVLJE I - UVODNE ODREDBE

##### Član 1. (Predmet Pravilnika)

Ovim Pravilnikom utvrđuju se nazivi i vrste nagrada koje se dodjeljuju studentima Univerziteta u Bihaću (u daljnjem tekstu: Univerzitet), opći uslovi i postupak za njihovo dodjeljivanje, kao i nadležni organi za dodjeljivanje nagrada.

##### Član 2. (Vrste nagrada)

Za rad i doprinos afirmaciji Univerziteta u Bihaću, za izuzetan uspjeh tokom školovanja studenti mogu dobiti sljedeće nagrade:

- **Nagrade rektora**
  1. Povelja rektora Univerziteta u Bihaću,
  2. Zlatna značka Univerziteta u Bihaću
  3. Srebrna značka Univerziteta u Bihaću
- **Nagrada dekana**
  1. Priznanje dekana

#### POGLAVLJE II - NAGRADA REKTORA

##### Član 3. (Povelja rektora)

Povelja rektora dodjeljuje se studentima Univerziteta u Bihaću koji su u toku školovanja ostvarili najbolji pojedinačni uspjeh na I (prvom), II (drugom) i III (trećem) ciklusu studija.



**Član 4.**  
**(Sadržaj Povelje rektora)**

Povelja studentima izrađuje se na visokokvalitetnom papiru dimenzija 21 x 29,7 cm i predstavlja unikatno autorsko djelo, a sadrži: naziv i znak Univerziteta, naziv nagrade, ime i prezime studenta, kratko obrazloženje, broj i datum izdavanja, potpis rektora, kao i pečat Univerziteta.

**Član 5.**  
**(Studenti s najboljim uspjehom)**

- (1) Povelja rektora dodjeljuje se studentima Univerziteta s najboljim uspjehom svake akademske godine.
- (2) Povelju rektora može dobiti najviše po jedan student I (prvog), II (drugog) i III (trećeg) ciklusa studija koji je odbranio završni diplomski, magistarski i doktorski rad u tekućoj akademskoj godini.
- (3) Fakulteti Univerziteta su dužni dostaviti rektoru svoje prijedloge kandidata za Povelju rektora za studente s najboljim uspjehom, s odgovarajućim obrazloženjem, najkasnije do 30. oktobra tekuće godine.
- (4) Povelju uručuje rektor na svečanosti povodom zajedničke dodjele diploma svih ciklusa studija Univerziteta u Bihaću.

**Član 6.**  
**(Uslovi za dobijanje Povelje rektora)**

- (1) Uslovi za dobijanje Povelje rektora za studente s najboljim uspjehom su:
  - a) prosječna ocjena viša od 9,50 ostvarena u toku I (prvog), II (drugog) ili III (trećeg) ciklusa studija,
  - b) da tokom I (prvog), II (drugog) ili III (trećeg) ciklusa studija, za koji se dodjeljuje nagrada, nije ponavljao niti jednu godinu studija.
- (2) Pored uslova iz stava (1) ovog člana uzimaju se u obzir i drugi uslovi koji mogu uticati na izbor:
  - a) aktivnosti u nastavnom procesu (demonstrator),
  - b) učešće u naučnim, istraživačkim, stručnim, umjetničkim i sportskim aktivnostima,
  - c) rad u studentskim organizacijama,
  - d) uspjeh na takmičenjima,
  - e) učešće u međunarodnoj razmjeni studenata.
- (3) Ako uslove iz stavova 1. i 2. ovog člana ispunjava više studenata, onda svi studenti dobijaju Povelju rektora.
- (4) Odluku o dodjeljivanju Povelje rektora donosi rektor na prijedlog Kolegija rektora.

**Član 7.**  
**(Zlatna značka Univerziteta u Bihaću)**

Zlatna značka Univerziteta dodjeljuje se studentima koji su u toku školovanja ostvarili najbolji pojedinačni uspjeh na I (prvom), II (drugom) i III (trećem) ciklusu studija sa visinom prosječne ocjene višom od 9,50.

**Član 8.**  
**(Sadržaj Zlatne značke)**

Zlatna značka izrađuje se na visokokvalitetnom papiru dimenzija 21 x 29,7 cm i predstavlja unikatno autorsko djelo, a sadrži: naziv i znak Univerziteta, naziv nagrade, ime i prezime studenta, kratko obrazloženje, broj i datum izdavanja, potpis rektora, kao i pečat Univerziteta.

**Član 9.**  
**(Studenti s najboljim uspjehom)**

- (1) Zlatna značka dodjeljuje se studentima Univerziteta s najboljim uspjehom svake akademske godine.
- (2) Zlatnu značku može dobiti student I (prvog), II (drugog) i III (trećeg) ciklusa studija koji je odbranio završni diplomski, magistarski i doktorski rad u prethodnoj akademskoj godini.
- (3) Fakulteti Univerziteta su dužni dostaviti rektoru svoje prijedloge kandidata za Zlatnu značku za studente s najboljim uspjehom, s odgovarajućim obrazloženjem, najkasnije do 30. oktobra tekuće godine.
- (4) Zlatnu značku uručuje rektor na svečanosti povodom zajedničke dodjele diploma svih ciklusa studija Univerziteta u Bihaću.

**Član 10.**  
**(Uslovi za dobijanje Zlatne značke)**

- (5) Uslovi za dobijanje Zlatne značke za studente s najboljim uspjehom su:
  - a) prosječna ocjena visa od 9,50 ostvarena u toku I (prvog), II (drugog) ili III (trećeg) ciklusa studija,
  - b) da tokom tog I (prvog), II (drugog) ili III (trećeg) ciklusa studija nije ponavljao niti jednu godinu studija.
- (6) Pored uslova iz stava (1) ovog člana uzimaju se u obzir i drugi uslovi koji mogu uticati na izbor:
  - a) aktivnosti u nastavnom procesu (demonstrator),
  - b) učešće u naučnim, istraživačkim, stručnim, umjetničkim i sportskim aktivnostima,
  - c) rad u studentskim organizacijama,
  - d) uspjeh na takmičenjima,
  - e) učešće u međunarodnoj razmjeni studenata.
- (7) Svi studenti Univerziteta u Bihaću koji ispunjavaju uslove iz stavova 1. i 2. ovog člana dobijaju Zlatnu značku Univerziteta u Bihaću.

Odluku o dodjeljivanju Zlatne značke Univerziteta donosi rektor na prijedlog Kolegija rektora.

Zlatnu značku uručuje rektor na svečanosti povodom zajedničke dodjele diploma svih ciklusa studija Univerziteta u Bihaću.

**Član 11.**  
**(Srebrna značka Univerziteta u Bihaću)**

Srebrna značka Univerziteta dodjeljuje se studentima koji su u toku školovanja ostvarili najbolji pojedinačni uspjeh na I (prvom), II (drugom) i III (trećem) ciklusu studija sa visinom prosječne ocjene od 9,00 do 9,50.



**Član 12.**  
**(Sadržaj Srebrene značke)**

Srebrna značka izrađuje se na visokokvalitetnom papiru dimenzija 21 x 29,7 cm i predstavlja unikatno autorsko djelo, a sadrži: naziv i znak Univerziteta, naziv nagrade, ime i prezime studenta, kratko obrazloženje, broj i datum izdavanja, potpis rektora, kao i pečat Univerziteta.

**Član 13.**  
**(Studenti s zapaženim uspjehom ostvarenim tokom studija)**

- (1) Srebrna značka dodjeljuje se studentima Univerziteta s zapaženim uspjehom ostvarenim u toku studija svake akademske godine.
- (2) Srebrnu značku može dobiti student I (prvog), II (drugog) i III (trećeg) ciklusa studija koji je odbranio završni diplomski, magistarski i doktorski rad u tekućoj akademskoj godini.
- (3) Fakulteti Univerziteta su dužni dostaviti rektoru svoje prijedloge kandidata za Srebrnu značku za studente s zapaženim uspjehom ostvarenim tokom studija, s odgovarajućim obrazloženjem, najkasnije do 30. oktobra tekuće godine.
- (4) Srebrnu značku uručuje rektor na svečanosti povodom zajedničke dodjele diploma svih ciklusa studija Univerziteta u Bihaću.

**Član 14.**  
**(Uslovi za dobijanje Srebrene značke)**

- (5) Uslovi za dobijanje Srebrene značke za studente s najboljim uspjehom su:
  - a) prosječna ocjena od 9,00 do 9,50 ostvarena u toku I (prvog), II (drugog) ili III (trećeg) ciklusa studija,
  - b) da tokom tog I (prvog), II (drugog) ili III (trećeg) ciklusa studija nije ponavljao niti jednu godinu studija.
- (6) Pored uslova iz stava (1) ovog člana uzimaju se u obzir i drugi uslovi koji mogu uticati na izbor:
  - a) aktivnosti u nastavnom procesu (demonstrator),
  - b) učešće u naučnim, istraživačkim, stručnim, umjetničkim i sportskim aktivnostima,
  - c) rad u studentskim organizacijama,
  - d) uspjeh na takmičenjima,
  - e) učešće u međunarodnoj razmjeni studenata.
- (7) Svi studenti Univerziteta u Bihaću koji ispunjavaju uslove iz stavova 1. i 2. ovog člana dobijaju Srebrnu značku.

Odluku o dodjeljivanju Srebrene značke Univerziteta donosi rektor na prijedlog Kolegija rektora.

Srebrnu značku uručuje rektor na svečanosti povodom zajedničke dodjele diploma svih ciklusa studija Univerziteta u Bihaću.

## **POGLAVLJE III - NAGRADA DEKANA**

### **Član 15. (Priznanje dekana)**

Priznanje dekana dodjeljuje se studentima Univerziteta u Bihaću koji su u toku školovanja ostvarili najbolji pojedinačni uspjeh na I (prvom), II (drugom) i III (trećem) ciklusu studija na Fakultetu.

### **Član 16. (Sadržaj Priznanja dekana)**

Priznanje dekana studentima izrađuje se na visokokvalitetnom papiru dimenzija 21 x 29,7 cm i predstavlja unikatno autorsko djelo, a sadrži: naziv Univerziteta, naziv fakulteta, znak Univerziteta, znak fakulteta, ime i prezime studenta, kratko obrazloženje, broj i datum izdavanja, potpis dekana kao i pečat fakulteta Univerziteta.

### **Član 17. (Studenti s najboljim uspjehom)**

- (1) Priznanje dekana za studente s najboljim uspjehom dodjeljuje se studentima svake akademske godine za prethodnu godinu studija.
- (2) Nagradu dekana dobijaju studenti s najboljim uspjehom sa I (prvog), II (drugog) i III (trećeg) ciklusa studija.
- (3) Nagrade uručuje dekan fakulteta na svečanoj Promociji povodom promoviranja studenata u stečena akademska zvanja.

### **Član 18. (Uslovi za dobijanje Priznanja dekana)**

- (1) Uslovi za dobijanje Priznanja dekana za studente s najboljim uspjehom je:
  - a) najmanja prosječna ocjena 8,50 i više ostvarena u toku I (prvog), II (drugog) i III (trećeg) ciklusa studija.
  - b) da tokom studija nije ponavljao niti jednu godinu studija,
- (2) Ako uslove iz stavova 1. i 2. ovog člana ispunjava više studenata, onda svi studenti dobijaju Priznanje dekana.
- (3) Konačnu odluku o dodjeli nagrade donosi dekan.

### **Član 19. (Ostali uslovi za dobijanje Nagrade)**

- (1) Nagrade iz Člana 2. ne mogu dobiti oni studenti I (prvog) ciklusa studija Univerziteta koji svoje školovanje, uključujući i završni rad, ne okončaju do 30. 9. iste akademske godine, kao ni studenti kojima je tokom studija izrečena disciplinska mjera zbog kršenja normi predviđenih Statutom i važećim pravilnicima.
- (2) U iznimnom slučaju priznanja iz prethodnog stava mogu dobiti i studenti kojima su mirovala prava i obaveze godinu dana u skladu sa opravdanim razlozima utvrđenim Statutom.



## POGLAVLJE IV - PRIJELAZNE I ZAVRŠNE ODREDBE

### Član 20. (Evidencija o dodijeljenim nagradama)

- (1) Službe Rektorata Univerziteta obavezne su voditi posebnu evidenciju o dodijeljenim nagradama rektora Univerziteta.
- (2) Službe organizacionih jedinica (fakulteta) obavezne su voditi posebnu evidenciju o dodijeljenim nagradama dekana fakulteta.

### Član 21. (Objava Odluke o dodjeli Nagrade rektora za studente s najboljim uspjehom)

Odluka o dodjeli Nagrada rektora i Nagrade dekana, s podacima o studentu i uspjehu, objavljuje se na oglasnim pločama organizacionih jedinica (fakulteta) Univerziteta u Bihaću odnosno na web-stranici Univerziteta u Bihaću.

### Član 22. (Izmjene i dopune Pravilnika)

Izmjene i dopune ovog Pravilnika vrše se na način i po postupku utvrđenom za njegovo donošenje.

### Član 23. (Stupanje na snagu Pravilnika)

Ovaj Pravilnik stupa na snagu osmog dana od dana objavljivanja na oglasnoj ploči Univerziteta.

Broj: 06-3714/2023

Bihać, 14.9.2023. godine



PREDSJEDNIK SENATA

Prof. dr. Fadil Islamović